



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Apologia Pro Conscientiis infirmis, Sev Responsio Benigna  
Pro securitate dictaminis practici super certa  
probabilitate fundati**

**Fibus, Bartholomaeus  
Schweitzer, Johannes**

**Coloniæ, 1682**

§. Septimvs. Remittitur F. Leonardi lixivium.

**urn:nbn:de:hbz:466:1-39304**

¶¶¶¶¶¶¶¶¶¶¶¶¶¶¶¶

## S. SEPTIMVS.

Remittitur F. Leonardo lixi vium.

I.  Unc ad te convertor F. Leonarde, qui specialem Paragraphum tibi promeritus es pro singulari tua benevolentia in me popularem tuum, quam perspiciendam dedisti in approbatione disser. triplicis. Libet formalia tua allegare, & controversiam nostram paucis expedire. Ita incipit: *Quantopere nouellus quidam Theologus* ( totum omnino triennium me senior es : veneror canos tuos ) in suis manuscriptis de opinionum probabilitate nuper publicè dictatis cœcutiat ( cœcutientem te vidisti in oculis meis ) quam parum versatus sit in *S. Augustini veridicis dogmatibus* ( idem de me & melioribus Doctoribus jaētat hodie Calvinista & Jansenista ) quam alienus à mellei melliflui Doctoris doctrinam fontibus ( è quibus tu, quantum te ingurgitasti ! qui non nisi mera mella mellei melliflui in me ruetas ) quam rudis in *Angelicis schola Angelii Doctoris Angelici Theologicarum literarum monumentis* ( Immanc quantum, ohe ! contremiscunt parietes scholæ Theologieæ, dum ex Authoritatibus Angelicis scholæ Angelii Doctoris Angelici, tu Angelice & erudit Salamanicensis discipule nos impugnas ) Demum, quam hujus evi horum sanctæ matris Ecclesiæ

luminarium per omnia exactissimè se attemp-  
rantibus sententius, nonnullis uti ingenii acie excut-  
tissimis, ita conscientiarum integritati, puritati, &  
tranquillitat consuenda studiofissimis Doctoribus  
injurius extiterit, prodidit: dum per summam nec  
veritatis amanti ferendam calumniam (calumniam  
non faceres, nisi passio vetuisset veritatem in-  
quirere. Sed quidvis dicere irregularis Rhetor  
& Grammatice? Lector relegat ut intelligat )  
eos non qualesunque, sed eminentes Jansenistas ex-  
hibilare non erubuit ( tuam erubesco parùm cir-  
cumspectam & effrenem inscribendo licentiam.)

2. A quorum numero cùm pariter Admodum  
Reverendum & Eximum P. F. Joannem Schuve-  
izer SS. Theologiae Doctorem Sapientissimum, Or-  
dinis S. Patris Augustini Eremitarum Provincia-  
tem dignissimum ( neque illum esse dignissimum  
Provincialatu, neque te dignum esse Prioratu, ego  
inferior ) eximere non videatur, is iure meritissimo  
ansam sibi datam & suggestam arripuit, hanc à se  
alisque S. P. Augustini, Angelici Doctoris & S.  
Bernardi discipulis ( imaginariam non à me sed ex-  
ceptore falso alieno cerebro impressam, &  
non illubenter acceptam) impactam amoliendi ca-  
lumniam, & Lixivio, quali decet ( non meam sed  
tuam ) tam procacis, ignorantis & petulantis calami  
spurcitum detergendi ( ter sit quidem Author Li-  
belli de calami tui spurcie, multa his fœdiora,  
non tamen omnino detersit: meriturus de te me-  
liora, si hanc graveolētis cloacæ tuæ mephytin te-

nebris potius quam luce donasset. Ecce *lixivium*, quod remitto cum gratiarum actione pro oblatō obsequio tam benevolo: Tolle quod tuum est, & vade: memor deinceps professionis, quam fecisti in laudatissimo Ecclesiæ ordine. Si culpam putas, quod *lixivium* tibi tuum remitto, vide quantæ tribuendum tibi sit, quod tu primus parasti & fætente asperginem tuam in me effudisti. Quod autem obtrudere pergis, te famam *Vincentii* vindicasse, quæso ut desinas excusare excusationes in peccatis. Dupliciter peccas, si istum perinde innocentem facis, ut me nocentem. Multum in utroque falleris: uti & in hoc tertio, quod peccata licet mortalia habere videaris pro actibus virtuosis: quando hanc thesin impressam nuper propugnandam publicè suscepisti, quam in suis formalibus & interpunctionibus fideliter hic subjicio, ut sequitur: *judicium, quod est actus elictus à virtute justitiae, si temerarium fuerit, de gravi peccato proximi, ex genere suo peccatum mortale est.* D. Tho. q. 60. a. 1. § 3.  
 Agnosco thesin praxeos probabilisticis usitatæ. Agnosco actum virtutis, & quidē justitiae, judiciū tuū temerariū de proximi, id est, meo (existimato) peccato. Si quid deinceps tibi scribendum videatur contra me, quæso ut examinandum prius exhibeas his, qui prudentiores & modestiores te sunt. Vale. Supereft paucis epistolam apologeticam ad authorem *Dissert. tripl.*  
 concludere.

§. VIII.